

# SCRIPTA

---

**Numéro Scripta :** 1317

**Auteur(s) :** Guillaume de Grana [particulier]

**Bénéficiaire(s) :** Nicolas de Sulien [particulier]

**Genre d'acte :** charte

**Authenticité :** non suspect

**Datation :** 1287, février

**Lieu d'émission :** Bayeux

**Action juridique :** vente

**Langue du texte :** latin

## Analyse

Guillaume de Grana vend, pour 24 livres tournois, et garantit à Nicolas de Sulien et à sa femme une rente annuelle de 30 sous tournois sur son herbergage à Saint-Florel de Bayeux.

## Tableau de la tradition

### Éditions principales

a. Bourrienne Valentin (Abbé), *Antiquus cartularius ecclesiae Baiocensis (Livre noir)*, Rouen-Paris, Lestringant-Picard (Société de l'histoire de Normandie), 1902-1903, 2 vol., n° DXLIV, t. 2, p. 294-296.

## Dissertation critique

Février 1286 est proposé par V. Bourrienne.

Texte établi d'après a

Sciant omnes præsentis et futuri quod Willelmus de Grana vendidi et concessi Nicholao de Sulien, pro viginti et quatuor libris Turonensibus, quas habui ab eodem, et Petronillæ, uxori suæ, triginta solidos Turonenses annui redditus, percipiendos annuatim et habendos, videlicet quindecim solidos ad Nativitatem sancti Johannis Baptistæ, et quindecim solidos ad Natale Domini, dicto Nicholao et suis hæredibus, jure hæreditario, et dictæ Petronillæ Pestel, per totum cursum vitæ suæ, si ipsa plus vixerit quam dictus Nicholaus, per manum meam et hæredum meorum in meo herbergagio, sito in parrochia Sancti Floscelli Baiocensis, inter masuagium Willelmi de Magna Villa, ratione uxoris suæ, ex una parte, et domum dicti Willelmi de Grana, ex altera ; pro quo redditu, quocienscumque necesse fuerit habendo, dictus Nicholaus et sui hæredes poterunt de cetero in dicto herbergagio, prout extenditur in longum et latum, suam plenariam justiciam exercere. Quem redditum, cum dicta justicia, ego Willelmus de Grana et mei hæredes tenemus et debemus dicto Nicholao et suis hæredibus dictum redditum, cum dicta justicia, et dictæ Petronillæ quoad vixerit, in dicto herbergagio, pro dictis denariis quos inde habui, garantizare et deffendere contra omnes, et in omnibus acquitare et deliberare, vel alibi, in nostra propinquiore hæreditate et meliori, si necesse fuerit, excambiare competenter ; ita quod ego dictus Willelmus de Grana et mei hæredes non poterimus de cetero dictum herbergagium a manu nostra alienare, vel aliquo alio modo impedire quin ibidem dictos redditus ab eodem Nicholao et a suis hæredibus, prout dictum est, assumatur. In cujus rei testimonium, præsentem cartam sigilli mei munimine confirmavi. Actum anno Domini millesimo ducesimo octogesimo sexto, mense februarii, coram parrochia prædicta.